

Акафист преподобным Иулиании и Евпраксии, основательницам Зачатьевския обители (новая редакция)



16 апреля 2016 г. 22:21

Новая редакция текста акафиста преподобным Иулиании и Евпраксии, основательницам Зачатьевския обители, одобрена на заседании Священного Синода от 16 апреля 2016 года ([журнал № 16](#)).

Акафист преподобным Иулиании и Евпраксии, основательницам Зачатьевския обители.

Кондак 1

Избранныя невесты Христо́вы, преподо́бныя Иулиание и Евпраксии́е, наста́вницы дев боголю́бивых и моли́твенницы усер́дныя ко Го́споду, в ра́дости и ско́рби призыва́ем вы, да ва́шими моли́твами изба́вит нас Го́сподь от вся́кия ну́жды и печа́ли вопиющих:

Ра́дуйтеся, преподо́бныя Иулиание и Евпраксии́е, благоче́стия наста́вницы богому́дрыя.

Икос 1

А́нгельское жити́е яви́ли есте́, преподо́бныя Иулиание и Евпраксии́е, ве́рная ча́да Ма́тере Бо́жия, прии́мшая Благове́стие измла́да на до́брую по́чву чи́стых серде́ц ва́ших и возрасти́вшая ве́лий плод смире́ния и кро́тости. Мы же зря́ще си́е, воспева́ем вам си́це:

Ра́дуйтеся, верныя Христо́вы учени́цы;
ра́дуйтеся, Ца́рствия Бо́жия насле́дницы.
Ра́дуйтеся, кро́тости благоговейное хране́ние;
ра́дуйтеся, смире́ния наста́вницы предивныя.
Ра́дуйтеся, благода́ть Свята́го Ду́ха стяжа́вшия;
ра́дуйтеся, измла́да Хри́ста возлюбившия.
Ра́дуйтеся, Ма́тере Бо́жия служите́льницы ве́рныя;
ра́дуйтеся, чистоты́ А́нгельския подража́тельницы.
Ра́дуйтеся, преподо́бныя Иулиание и Евпраксии́е, благоче́стия наста́вницы богому́дрыя.

Кондак 2

Ви́дяще о́браз благоче́стия роди́телей ва́ших Феодо́ра и Мари́и достосла́вных и я́же о Го́споде по́двиги бра́та ва́шего митрополи́та Алексе́я, возжего́сте ре́вностию и любóвию серде́ца ва́ша ко Сладча́йшему Хри́сту Иису́су, и возжелáсте послужи́ти Ему в чи́не А́нгельством, воспева́юще с Херувимы пёснь: Аллилу́ия.

Икос 2

Ра́зум ве́лий зело́ даде́ Госпо́дь тебе́, о ма́ти на́ша, преподо́бная Иулиа́ние, ѿмже устро́и пе́рвую оби́тель де́вичью во сла́внем гра́де Москве́, иде́же собра́шася ду́ши мно́ги во спасе́ние. Ны́не сла́вим тя, прему́драя наста́внице и засту́пнице на́ша, вку́пе с ве́рною сестро́ю твоёю, возлю́бленною Евпракси́ею, зову́ще си́це:

Ра́дуйтеся, мирно́сицы Русския земли́ ;
ра́дуйтеся, жен благочесті́вых похвало́.
Ра́дуйтеся, Иису́са Сладча́йшаго возлю́бившия;
ра́дуйтеся, ча́да Его́ благая́ и ве́рная.
Ра́дуйтеся, оби́тель де́вичью основа́вшия;
ра́дуйтеся, благоуха́ние духо́вное источа́ющія.
Ра́дуйтеся, сота́инницы дев боголю́бивых;
ра́дуйтеся, смиренному́дрія образ показавшия.

Ра́дуйтеся, преподо́бныя Иулиа́ние и Евпракси́е, благочестія наста́вницы богому́дрыя.

Кондак 3

Си́лою послуша́ния всеце́лаго обрела́ еси́ ты Ца́рствие Небе́сное в ду́ши своёй чи́стей, о преблаже́нная ма́ти на́ша Евпракси́е. Прославля́ем твоё смиренному́дріе и кро́тость предивную, я́ко сестра́ бе и дщи́ прему́дрыя игу́мени Иулиа́нии, воспева́ющи с не́ю еди́ным се́рдцем и усты́ хвалёбную песнь: Аллилу́ія.

Икос 3

Име́юще любóвь істинную, преподо́бныя, яви́ли естé вы о́браз сострада́ния и милосе́рдия: взалка́ бо кто, и да́сте е́му я́сти, возжада́, и напо́йте; страна́н бысть, и введо́сте его́ под кров оби́тели своёя, ско́рбен се́рдцем бысть, и утёшите. Сего́ ра́ди, взира́юще на ве́лию ве́ру ва́шу, во умиле́нии вопие́м вам:

Ра́дуйтеся, два свети́ла Любве́ Божество́вныя;
ра́дуйтеся, дел милосе́рдия исполні́тельницы.
Ра́дуйтеся, утеше́ние всем притека́ющим к вам;
ра́дуйтеся, радости́ на́шея подате́льницы пресла́вныя.
Ра́дуйтеся, де́вы благочесті́выя, напитавшия а́лчущих;
ра́дуйтеся, напо́яющія словесы́ духо́вными жа́ждущих.
Ра́дуйтеся, го́рлицы боголю́бивыя;
ра́дуйтеся, любóвию согрева́ющія вся.

Ра́дуйтеся, преподо́бныя Иулиа́ние и Евпракси́е, благочестія наста́вницы богому́дрыя.

Кондак 4

Бу́рю смяте́ния наведе́ си́ла иноплеме́нная на зе́млю Ру́сскую, но не косну́ся душ ва́ших па́губное уны́ние. Я́ко купина́ дре́вле неопальна́ огнём Божество́вным горя́щи бысть ве́ра ва́ша в Промы́шление Бо́жие о Святе́й Руси́, и огонь сомне́ния не сожже́ наде́жды в сердца́х ва́ших, благодарно́ воспева́ющих за вся Богу: Аллилу́ія.

Икос 4

Слы́шавши глас святі́теля Бо́жия Алексі́я, благословля́ющий оби́тели перво́московския де́вичія основа́ние, возра́довася ду́ша тво́я, о прему́драя наста́внице, ма́ти на́ша Иулиа́ние о Бо́зе Зижді́тели, без Него́же ничто́же бысть, е́же бысть.

Такожде милостию Его по молитвам вашим, преподобныя, процветé яко крин сéльный, обитель святáя Зачáтиевская во спасéние душ нáших, тэмже дерзáем взывáти вам сйце:

Рáдуйтеся, Бóга Отцá возлюбívшия;

рáдуйтеся, Сына Его неvéсты преслáвныя.

Рáдуйтеся, обитель Дúха Святáго в сéрдце устроившия;

рáдуйтеся, Святúю Трóицу пóдвигом своím прослáвившия.

Рáдуйтеся, гóрлицы, любóвию окриляемя;

рáдуйтеся, мáсличныя вéтви Цéркве Христóвы.

Рáдуйтеся, прелесть мира сего презревшия;

рáдуйтеся, рáдости рáйския преиспóлненныя.

Рáдуйтеся, преподобныя Иулианíе и Евпраксíе, благочéстия настáвницы богомúдрыя.

Кондак 5

Боготéчною звездою обитель святáя Зачáтиевская для душ, жáждущих спасéния, световíдною явísя, яко даровá Бог во обители сей истóчники воды текúция в живóт вéчный. Всяк бо пийй от воды сей не вжáждется во вéки, но воспоёт благодарным сéрдцем Бóгу: Аллилу́ия.

Икос 5

Вíде едина от сестёр в видéнии сóннем вы, преподобныя, спéшно носящия вóду ко храму. В трéтий же день полúдне случísя пожáр на крóве óнаго. Егдá же сестры́ прибегóша к рáкам вашим со слезáми, да помóжете, áбие угасé огонь горящ молíтв рáди ваших. О преподобныя Иулианíе и Евпраксíе, угасíte и плáмень страстéй нáших и наветов лукавáго, да чíстым сéрдцем воспеваем вам сицевáя:

Рáдуйтеся, молíтвенницы усéрдныя ко Гóсподу;

рáдуйтеся, застúпницы нáша пред Бóгом предívныя.

Рáдуйтеся, тёрние страстéй попадающия;

рáдуйтеся, возжигáющия огонь любвé ко Христú.

Рáдуйтеся, благоухáние кадíльное молíтвенное;

рáдуйтеся, подáтельница слáдости рáйския.

Рáдуйтеся, благодáтию озаряющия;

рáдуйтеся, Свéта невечёрного светíльницы.

Рáдуйтеся, преподобныя Иулианíе и Евпраксíе, благочéстия настáвницы богомúдрыя.

Кондак 6

Проповéдницы вéры и благочéстия преизрядныя, преподобныя Иулианíе и Евпраксíе, настáвницы мона́шествующих и мирскíх покровíteльницы преслáвныя естé. Бúдите застúпницы от духóв злóбы поднебéсных всем с вéрою и любóвию притекáющим к молíтвенному покрóву вашему и вопиющим Богу: Аллилу́ия.

Икос 6

Возсия неизречéнный свет в собóрней цéркви Зачáтиевстей, егдá ты, о мáти нáша преподобная Иулианíе, в видéнии едíней от черни́ц явíлася еси́, поправляющи лампаду у икóны Богорóдицы «Всех скорб́ящих Рáдосте». Нýне же, взирающим нам

на образ сей, радостию пасхальною исполняются сердца наша, и печаль на радость прелагается. Да узрим и мы, недостойнии, во Свете неприступнем Господа Воскресшаго, зовуще сице:

Радуйтесь, всем скорбящим скорыя утешительницы;

радуйтесь, радости духовныя подательницы.

Радуйтесь, мира сердечнаго укрепление;

радуйтесь, два сосуда елѣя Божия целительнаго.

Радуйтесь, возжигajúщия свѣтільники вѣры;

радуйтесь, надежды путь освещajúщия.

Радуйтесь, веселие стяжавшия в скорбех;

радуйтесь, любви истинныя проповѣдницы пламенныя.

Радуйтесь, преподобныя Иулианіе и Евпраксіе, благочестія наставницы богомудрыя.

Кондак 7

Хотящи обрести ва́ша нетлѣнныя мѡщи, благочестивая игумения Доримедонта восхотѣ вскрыти мѣсто подспудное. Обаче егда лопата коснётся краю гробовъ ва́ших, преподобныя, абие нападѣ трясавица сильна и недугъ многъ на копающаго. Зрящии же вся сѣя в стра́се прослави́ша Бѡга, воспевающе Ему́: Аллилу́ія.

Икос 7

Усердные подвижницы Цѣркве Русскія явились есте, о преподобныя Иулианіе и Евпраксіе: в трудѣхъ бо неустанно подвизаетесь, умерщвляюще плоть свою́, сердца же непрестанно имѡще горѣ, при ногѡ Иисѡсову внимающе словеси Его́ спасительному. Такожде благою ча́сть избрасте, яже не отыметсѣ от вас во вѣки вековъ, тѣмже вопиѣм вам:

Радуйтесь, небесныя заступницы земли Московскія;

радуйтесь, созерцавшия Славу Божественную.

Радуйтесь, труды ради Христа полагавшия;

радуйтесь, в радость Господа вшедшия.

Радуйтесь, Ангелов собесѣдницы;

радуйтесь, святителю Алексію сестры преславныя.

Радуйтесь, преподобныхъ сорадование;

радуйтесь, всехъ святыхъ украшение.

Радуйтесь, преподобныя Иулианіе и Евпраксіе, благочестія наставницы богомудрыя.

Кондак 8

Станнымъ и убогимъ прибежище и покровъ бысть обитель ва́ша, преподобныя; малодушнымъ яко камень твердъ вѣра ва́ша непреклонная явися; унылымъ и смущеннымъ сердцемъ яко светъ солнечный возсия надежда ва́ша несумненная; любовью же предивною озаряете сердца поющихъ Бѡгу: Аллилу́ія.

Икос 8

Православнии людие отечества нашего воспеваютъ ны́не песнь хвалѣбную Бѡгу, благодарящи Его́ за мѡлость неизреченную. Во знамение мѡлости Своея дарова Господь обители Зачатиевстей образъ Пречистыя Богородицы Мѡлостивыя, показуя

сѣм заступлѣние вѣше, преподобныя. Мы же, всякое житѣйское попечѣние отложивше и собравшесѣ под покрѣв ваш незрѣмый молѣтвенный, с любовію воспевѣем вам сѣце:

Радуйтеся, усердныя за ны ко Господу ходатаицы;

радуйтеся, Обители райскія наследницы;

Радуйтеся, умиленіем сердца наши наполняющія;

радуйтеся, исцелѣние от Бога просящим подающія.

Радуйтеся, красоты неувядаемыя крини сельнии;

радуйтеся, доброты неизреченныя сокровища.

Радуйтеся, образ Милостивыя Владычицы во обитель приимшия;

радуйтеся, Ёже молитвами милости на нас изливающія.

Радуйтеся, преподобныя Иулианіе и Евпраксіе, благочестія наставницы богомудрыя.

Кондак 9

Всякая душа исполнися умиленія и радованія, взираючи на икону вѣшу, преподобныя. Яко свещѣ горящи освещает клеть темничную, тако любви вѣша озаряет храмины душ, притекающих к вам с верою, отбеже бо всякая скорбь и теснота от благодарно воспевующих вкупе с вами: Аллилуія.

Икос 9

Ветии многоглаголивии не возмогут разумѣти вся подвиги и труды усердныя вѣша. Не славы бо ради тленныя от человек сія подъясте, но во исканіе безсмертныя Славы Вечнаго Бога совершенныя. Сего ради даде вам Отец Славы Духа Премудрости и Откровѣнія в познаніе Любве Его и радости нескончаемыя. Мы же, таковому смотрѣнію Божию о вас дивящесѣ, верно вопиѣм:

Радуйтеся, благ земных отвѣргшиися;

радуйтеся, Единаго Бога искавшия и обрѣтшия.

Радуйтеся, Царствія Божія наследницы;

радуйтеся, Ангелов дивныя собесѣдницы.

Радуйтеся, райскую радость стяжавшия;

радуйтеся, велию милость от Бога приемшия.

Радуйтеся, святых жен предивное украшение;

радуйтеся, преславное душ наших утешѣние.

Радуйтеся, преподобныя Иулианіе и Евпраксіе, благочестія наставницы богомудрыя.

Кондак 10

Спастися хотяще всем человеком, яко две сладкогласныя трубы серебряныя созывали есте дев труждающихся и обремененных под покрѣв святыя обители Зачатіевскія, и вся притекающія обретоша покой о Христѣ Иисусѣ, взѣмше иго Его благое и бремя легкое, воспевюще умиленную песнь: Аллилуія.

Икос 10

Стенанія и плач мног приносившия о землі Русстей, и ныне молитесѣ, преподобныя, о нас, многогрѣшных и недостойных чадах ваших, да простит Господь вся прегрѣшенія наша, и тако да избавимся от всякыя нужды и печали. Да сподобит нас Всемилостивый Владыка в радости сердечней воспевати вам сиевѣя:

Ра́дуйтеся, свѣтлыя проповѣдницы благонравія;
ра́дуйтеся, дѣвныя кормчія в мѣри житѣйшем.
Ра́дуйтеся, невѣсты чѣстыя Христа Иисуса Сладчайшаго;
ра́дуйтеся, Матере Божія чада возлюбленная.
Ра́дуйтеся, велие утешѣние нам дарующія;
ра́дуйтеся, свѣтѣльницы славному Любве Божественныя.
Ра́дуйтеся, Свѣта истины хранительницы вѣрныя;
ра́дуйтеся, в тихую пристань души приводящія.
Ра́дуйтеся, преподѣбныя Иулианіе и Евпраксіе, благочестія наставницы
богомудрыя.

Кондак 11

Пѣние благодарное приносят вам неплодныя жены, во обитель, вами устроенную, пришедшія и молитвами вашими неплодства разрешившіяся. Помозите и нам, преблаженныя Иулианіе и Евпраксіе, избавитися от бесплодных дел тьмы, да принесем достѣйныя плоды покаянія и смиренія, воспевающе Богу: Аллилуія.

Икос 11

Светопріемную сокровищницу сотвори Господь Церковь Русскую, вы бо, якоже иногда две лепте вдовица Евангельская, все свое имѣние в руке Божіи предасте. Тѣмже Господь, примъ вас, яко жертву живую многоценную, низпосла на вы благодать Духа Всесвятѣаго. Вы же, преподѣбныя, прострите щедрѣты своя на ны, из глубины души зовущія:

Ра́дуйтеся, хранительницы вѣры истинныя;
ра́дуйтеся, сокровища радости нетленныя.
Ра́дуйтеся, злато смиренія, в горниле очищенное;
ра́дуйтеся, Свѣтом Христовымъ тьму просвѣщающія.
Ра́дуйтеся, крилома молитв ваших ко Христу возносящіяся;
ра́дуйтеся, мудрости цвѣти благоухающія.
Ра́дуйтеся, в сладкопѣнии Божественномъ пребывавшія;
ра́дуйтеся, славу Божію зрѣти сподѣблвшіяся.
Ра́дуйтеся, преподѣбныя Иулианіе и Евпраксіе, благочестія наставницы
богомудрыя.

Кондак 12

Благодать стяжавше в душахъ ваших и получивше от Бога пять талантъ, се, другихъ пять обретѣте ими и услышасте глас Господень: в малѣ были есте вѣрны, над многими вы поставлю. Ныне убо внидете в радость Господа Бога своего, воспевающе во обителяхъ райскихъ Ему: Аллилуія.

Икос 12

Поюще песнь побѣдную, прославляем Великаго Бога, дѣвнаго во святыхъ Своихъ. Нѣсть бо рабъ, ни свободъ о Христе Иисусе, нѣсть ни мужеский полъ, ни женскій: обаче вси суть едины о Господе нашемъ. Вы же, яко вѣрныя агницы непорѣчныя пребываєте со Ангелы на Небесѣхъ, радующеса с ними радостію неизреченною нескончаемою, сего ради вопиѣмъ вамъ:

Рáдуйтеся, житиé явívшия ангелоподóбное;
рáдуйтеся, душ нáших предстáтельство вёрное.
Рáдуйтеся, дщэри возлюбленныя Царя Небэснаго;
рáдуйтеся, Мáтере Бóжия другíни слáвныя.
Рáдуйтеся, рáдость нам приносящия;
рáдуйтеся, дúши любóвию окриляющия.
Рáдуйтеся, утешéние сердец предívное;
рáдуйтеся, умá просветлэние слáвное.
Рáдуйтеся, преподóбныя Иулианíе и Евпраксíе, благочэстия настáвницы
богомúдрыя.

Кондак 13

О преподóбныя Иулианíе и Евпраксíе, настáвницы дев боголюбívых и всем притекáющим к вам утешéние преслáвное! Нýнешнее мáлое молэние нáше приймше, прízрите мíлостивно на нас, многогрéшных и недостóйных чад вáших. Умолíte Премилосэрдаго Гóспода, да избáвит нас от враг вíдимых и невíдимых и да сподóбит нас наследники бýти Обíтели вéчныя, да вýну зовём Емú благодарным сэрдцем: Аллилúия.

Молитва

МОЛИТВА ИЗ УТВЕРЖДЕННОЙ СВЯЩЕННЫМ СИНОДОМ СЛУЖБЫ.